



## TEKS UCAPAN ALUAN

**YB DATO' SRI HUANG TIONG SII  
TIMBALAN MENTERI KEMENTERIAN SUMBER ASLI DAN  
KELESTARIAN ALAM (NRES)**

**MAJLIS PEMASYHURAN PERLIS GEOPARK SEBAGAI GEOPARK  
KEBANGSAAN KE-10.**

**DISEMPURNAKAN OLEH  
DULI YANG TERAMAT MULIA TUANKU RAJA MUDA PERLIS**

**7 MAC 2024  
TAMAN EKO-RIMBA BUKIT AYER  
KANGAR, PERLIS**

Salam Sejahtera,

Salam Perlis, Raja Berdaulat, Rakyat Berilmu, Negeri Sejahtera,

Perlis Maju

**Mengadap,**

**Duli Yang Teramat Mulia Raja Muda Perlis, Tuanku Syed Faizuddin  
Putra Ibni Tuanku Syed Sirajuddin Jamalullail**

**Dan Mengadap,**

**Duli Yang Teramat Mulia Raja Puan Muda Perlis, Tuanku Dr. Hajjah  
Lailatul Shahreen Akashah Khalil**

Ampun Tuanku,

Terlebih dahulu, Patik bagi pihak Kerajaan Persekutuan dengan penuh hormat dan takzimnya merafak sembah, menjunjung setinggi-tinggi kasih atas limpah perkenan Duli-Duli Tuanku berangkat ke Majlis Pemasyhuran Perlis Geopark Sebagai Geopark Kebangsaan pada hari yang berbahagia ini.

Ampun Tuanku,

Patik pohon ampuni limpah perkenan Duli-Duli Tuanku untuk patik menyampaikan ucapan kepada hadirin-hadirat yang hadir pada hari ini.

Ampun Tuanku,

- 1. Yang Amat Berhormat Tuan Mohd Shukri bin Ramli,  
Menteri Besar Perlis dan Yang Amat Berbahagia Puan Najwa binti  
Othman**
- 2. Yang Berhormat Tuan Rus'sele bin Eizan,  
Speaker Dewan Undangan Negeri Perlis dan Yang Berbahagia  
Isteri**
- 3. Yang Berhormat Dato' Seri Shahidan bin Kassim,  
Mantan Menteri Besar Perlis dan Yang Berbahagia Datin Seri**
- 4. Yang Arif Dr. Arik Sanusi bin Yeop Johari,  
Hakim Mahkamah Tinggi Kangar dan Yang Berbahagia Isteri**
- 5. Yang Berhormat Datuk Muhd Khair Razman bin Mohamed Annuar,  
Setiausaha Kerajaan Negeri Perlis dan Yang Berbahagia Datin**
- 6. Yang Berhormat Ahli – Ahli Majlis Mesyuarat Kerajaan Negeri  
Perlis dan Pasangan**
- 7. Ahli – Ahli Yang Berhormat dan Pasangan**
- 8. Datuk Seri – Datuk Seri, Datin Seri – Datin Seri, Dato'- Dato',  
Datin – Datin,**

**9. Ketua – Ketua Jabatan Negeri dan Persekutuan**

**10. Pengamal – pengamal media**

**11. Seterusnya Tuan – tuan dan puan – puan yang dihormati sekalian**

1. Terlebih dahulu, saya ingin mengucapkan tahniah kepada Negeri Perlis yang telah diiktiraf sebagai Geopark Kebangsaan yang **ke-10** di bawah Program Pembangunan Geopark oleh Kerajaan Persekutuan melalui Kementerian Sumber Asli dan Kelestarian Alam (NRES). Pengiktirafan ini telah diberikan pada **9 November 2023** yang lalu melalui Mesyuarat Jawatankuasa Geopark Kebangsaan Bil. 2/2023.
2. Perlis merupakan satu-satunya geopark yang melibatkan sebuah negeri kerana sebelum ini sempadan geopark melibatkan kawasan-kawasan yang tertentu sahaja. Perlis Geopark mempunyai 23 geotapak yang mana 3 daripadanya bertaraf antarabangsa, 14 bertaraf kebangsaan dan 6 bertaraf tempatan serta 8 biotapak dan 12 tapak budaya.

**PEMBANGUNAN GEOPARK DI MALAYSIA**

3. Berdasarkan takrifan Pertubuhan Pendidikan, Sains dan Kebudayaan Pertubuhan Bangsa-bangsa Bersatu (UNESCO), **Geopark** merupakan kawasan yang mengandungi tapak kepelbagai sumber warisan semula jadi, terutamanya sumber-sumber warisan geologi yang boleh

digunakan oleh semua pihak bagi tujuan pemeliharaan, pemuliharaan, pendidikan dan pembangunan sumber secara lestari.

Hadirin yang dihormati sekalian,

4. Pendekatan yang diguna pakai oleh UNESCO dalam membangunkan geopark adalah bertujuan memajukan sosio ekonomi sesuatu kawasan. **Global Geoparks Network (GGN)** atau Jaringan Geopark Global merupakan sebuah badan antarabangsa yang bertanggungjawab untuk membuat penilaian geopark di peringkat global.
5. Ia telah terbukti di beberapa negara seperti Jepun dan China, di mana pengiktirafan geopark global berjaya merancakkan aktiviti pelancongan dan meningkatkan pendapatan masyarakat di kawasan berkenaan.
6. Di peringkat Malaysia pula, dua buah jawatankuasa telah ditubuhkan di bawah NRES iaitu **Jawatankuasa Geopark Kebangsaan** dan **Jawatankuasa Pelaksana Geopark**. Jawatankuasa Pelaksana Geopark berperanan untuk membantu Jawatankuasa Geopark Kebangsaan melaksanakan objektifnya. Jawatankuasa ini diperkuuhkan dengan keahlian pakar-pakar dalam bidang geologi, biologi, budaya, arkeologi dan alam sekitar khusus untuk mengenal pasti dan membantu kawasan-kawasan di seluruh Malaysia yang berpotensi untuk dibangunkan sebagai geopark kebangsaan. Jawatankuasa ini mempunyai objektif dan skop kerja yang jelas dalam

memastikan perkembangan geopark negara terus aktif selari dengan perkembangan geopark di seluruh dunia.

7. Jabatan Mineral dan Geosains Malaysia (JMG) pula membantu Kerajaan Negeri dari sudut teknikal termasuk kajian saintifik tentang sumber geotapak, dan program kesedaran bersama masyarakat. Pelbagai kajian dan usaha perlu dilakukan meliputi pengumpulan maklumat kepelbagaian geologi, flora, fauna, sejarah dan arkeologi, tamadun dan budaya penduduk. Ia bertujuan untuk memperkasa komuniti setempat dengan menggunakan sumber warisan alam di samping meningkatkan sosiok ekonomi melalui aktiviti pelancongan.
8. Sehingga kini Kementerian telah memberikan pengiktirafan Geopark Kebangsaan kepada sebelas (11) buah geopark manakala dua (2) geopark yang telah mendapat pengiktirafan UNESCO Global Geopark (UGGp) iaitu Langkawi dan Kinabalu.

Hadirin –hadirat yang dimuliakan,

## **PERLIS SEBAGAI GEOPARK KEBANGSAAN**

9. Dengan pengiktirafan sebagai Geopark Kebangsaan yang ke-10 ini, adalah diharapkan Perlis Geopark dapat mengecapi pencapaian yang lebih tinggi iaitu ke arah pengiktirafan sebagai **UNESCO Global Geopark (UGGp)** dan kukuh menjadi **hub geo pelancongan** dan sekaligus **meningkatkan ekonomi tempatan**.

10. Dalam hal ini, Kerajaan Persekutuan telah meluluskan peruntukan RM1.611juta dalam Rancangan Malaysia Ke-12 untuk **Projek Penilaian Potensi Pembangunan Perlis Geopark untuk Pengekalan dan Pemuliharaan Sumber Semula Jadi Negara** yang akan dilaksanakan oleh Jabatan Mineral dan Geosains. Projek ini bermula pada 2024 hingga 2025.
11. NRES yakin kerjasama erat antara Kerajaan Persekutuan dengan Kerajaan Negeri dapat memastikan geopark diurus dengan baik dan mengalui-alukan sebarang bentuk kerjasama di kawasan berkepentingan geologi bagi tujuan penyelidikan saintifik, pendidikan, penjanaan ekonomi penduduk setempat, dan pembangunan mampan.

## **PENUTUP**

Ampun Tuanku,

Demikianlah sembah ucapan patik.

Sekali lagi patik merafa' sembah, menjunjung setinggi-tinggi kasih atas limpah perkenan Duli-Duli Tuanku berangkat ke Majlis Pemasyhuran Perlis Geopark Sebagai Geopark Kebangsaan pada hari ini.

Menjunjung kasih Tuanku.

Ampun Tuanku.